



Usool ya kwanza

Basi ukiulizwa nani Mola wako?

Jibu kwa kusema: Mola wangu ni Allaah, aliyenileya mimi na viumbe vyote kwa neema na fadhila zake. Na yeye pekee ninaye muabudu na hakuna mwengine ninaye muabudu pembeni mwake. Na dalili ni kauli ya Allaah (ta'ala)

الْحَمْدُ لِلَّهِ رَبِّ الْعَالَمِينَ ﴿٢﴾

Sifa njema zote ni za Allaah, Mola wa viumbe vyote. (Surah Fatiha 1:2) na kila kitu pembeni ya Allaah kime umbwa na mimi ni mmoja katika maumbile.

Na basi ukiulizwa: vipi ulimjuwa Mola wako Mlezi (yaani Allaah)?

Jibu kwa kusema: kutokamana na ishara (alama) zake na kwa vitu alivyoviumba; na kwenye ishara (alama) zake ni usiku na mchana na pia jua na mwezi, na katika vitu Alivyoviumba ni mbingu saba na ardhi saba na kila kilichomo ndani, na baina ya mbingu na ardhi . Na dalili ni kauli ya Allaah

وَمِنْ آيَاتِهِ اللَّيْلُ وَالنَّهَارُ وَالشَّمْسُ وَالْقَمَرُ لَا تَسْجُدُوا لِلشَّمْسِ وَلَا
لِلْقَمَرِ وَأَسْجُدُوا لِلَّهِ الَّذِي خَلَقَهُنَّ إِن كُنتُمْ إِيَّاهُ تَعْبُدُونَ ﴿٣٧﴾

Na katika Ishara zake ni usiku na mchana, na jua na mwezi. Basi msilisujudie jua wala mwezi, bali msujudieni Allaah aliye viumba, ikiwa nyinyi mnamuabudu Yeye tu. (Surah Fussilat 41:37)

Na kauli ya Allaah (ta'ala)

إِنَّ رَبَّكُمْ اللَّهُ الَّذِي خَلَقَ السَّمَوَاتِ وَالْأَرْضَ فِي سِتَّةِ أَيَّامٍ ثُمَّ اسْتَوَىٰ عَلَى
الْعَرْشِ يُغْشَىٰ اللَّيْلَ النَّهَارَ يَطْلُبُهُ حَثِيثًا وَالشَّمْسَ وَالْقَمَرَ وَالنُّجُومَ
مُسْحَرَاتٍ بِأَمْرِ رَبِّهِ ۗ أَلَا لَهُ الْخَلْقُ وَالْأَمْرُ ۗ تَبَارَكَ اللَّهُ رَبُّ الْعَالَمِينَ ﴿٥٤﴾

Hakika Mola wenu ni Allaah aliye ziumba mbingu na ardhi katika siku sita. Kisha akapaa juu ya arshi (Kiti cha Enzi) [kwa njia inayolingana na Utukufu wake (1) Huufunika usiku kwa mchana, ufuatao upesi upesi. Na jua, na mwezi, na nyota zinazo tumika kwa amri yake. Fahamuni! maumbile na amri ni zake. Ametukuka kabisa Allaah, Mola wa viumbe vyote. (Surah al-A'raaf 7:54)

Na Mola Mlezi (yaani Allaah) ni yule ambaye ana abudiwa, na dalili ni kauli ya Allaah (ta'ala)

يَتَأْتِيهَا النَّاسُ أَعْبُدُوا رَبَّكُمْ الَّذِي خَلَقَكُمْ وَالَّذِينَ مِنْ
قَبْلِكُمْ لَعَلَّكُمْ تَتَّقُونَ ﴿٢١﴾ الَّذِي جَعَلَ لَكُمْ
الْأَرْضَ فِرَاشًا وَالسَّمَاءَ بِنَاءً وَأَنْزَلَ مِنَ السَّمَاءِ مَاءً
فَأَخْرَجَ بِهِ مِنَ الثَّمَرَاتِ رِزْقًا لَكُمْ ۗ فَلَا تَجْعَلُوا
لِلَّهِ أَنْدَادًا وَأَنْتُمْ تَعْلَمُونَ ﴿٢٢﴾

Enyi watu! Muabuduni Mola wenu Mlezi aliye kuumbeni nyinyi na wale wa kabla yenu, ili mpate kuokoka (kuwa na taqwa). Na ni Yeye ambaye amekufanyieni hii ardhi kuwa kama tandiko, na mbingu kama paa, na akateremsha maji kutoka mbinguni, na kwa hayo akatoa matunda yawe riziki zenu. Basi msimfanyizie Allaah washirika, na hali nyinyi mnajua (kuwa hana mshirika). (Surah al-Baqara 2: 21-22)

Alisema Ibn Katheer rehma ya Allaah iwe juu yake; Mwumbaji wa hivi vyote ni yeye peke anayestahiki kuabudiwa (yaani Allaah) "Na aina zote za Ibadah tofauti alizo amrisha Allaah kama Al Islam na Al Iman na Ihsan, na zingine

kwa mfano :- **kuomba dua** - (Dua), **khofu** - (khawf), **kutarajia** - (rajaa). **Kutegemeya** - (tawakul), **shauku** - (raghbah), **kikuli** - (rahbah), **kunyeyekea** - (khusoo), **uchaji** - (khashyah), **uregevu wa kutubia** - (inaabah), **kuomba msaada** - (isti'aanah), **kuomba kinga** - (isti'aadhah), **koumba msaada na maokozi** - (istighaathah), **dhabihu** - (dhabh) **kuweka nadhiri** - (nadhr) na Ibadah zenginezo alizo amrisha Allaah, zote zitendwe kwa kuelekezwa kwake Allaah (ta'ala).

Na yeyote anaye elekeza Ibadah yake kwa mwingine asiye Allaah (ta'ala) basi yeye amekuwa **Mshrikina**, na **Kafiri** na dalili ni kauli ya Allaah (ta'ala)

وَمَنْ يَدْعُ مَعَ اللَّهِ إِلَهًا آخَرَ لَا بُرْهَانَ لَهُ بِهِ فَإِنَّمَا حِسَابُهُ عِنْدَ

رَبِّهِ إِنَّهُ لَا يُفْلِحُ الْكَافِرُونَ ﴿١١٧﴾

Na anaye muomba - pamoja na Allaah - mungu mwengine hana ushahidi wa hili; basi bila ya shaka hisabu yake iko kwa Mola wake. Kwa hakika makafiri hawafanikiwi. (Surah al-Muminoon 23:117)

Na kwenye Hadithi inayosema "**Dua ni kiini ya Ibadah. (2)**" Na dalili ni kauli ya Allaah (ta'ala)

وَقَالَ رَبُّكُمْ ادْعُونِي أَسْتَجِبْ لَكُمْ إِنَّ الَّذِينَ يَسْتَكْبِرُونَ عَنْ عِبَادَتِي

سَيَدْخُلُونَ جَهَنَّمَ دَاخِرِينَ ﴿٦٠﴾

Na Mola wenu anasema: Niombeni nitakuitikieni. Kwa hakika wale wajivunao na kuniabudu Mimi wataingia Jahannamu wadhallike (Surah Ghaafir 40:60)

Dalili ya khofu (khawf) ni kauli ya Allaah (Ta'ala)

فَلَا تَخَافُوهُمْ وَخَافُوا مِنِّي إِن كُنْتُمْ مُؤْمِنِينَ ﴿١٧٥﴾

basi msiwaogope, bali niogopeni Mimi mkiwa nyinyi ni Waumini. (Surah al-Imran 3:175)

Dalili ya kutarajia (rajaa) ni kauli ya Allaah (ta'ala)

فَمَنْ كَانَ يَرْجُوا لِقَاءَ رَبِّهِ فَلْيَعْمَلْ عَمَلًا صَالِحًا وَلَا يُشْرِكْ

بِعِبَادَةِ رَبِّهِ أَحَدًا ﴿١١٠﴾

Mwenye kutaraji kukutana na Mola wake basi naatende vitendo vyema, wala asimshirikishe yeyote katika ibadah ya Mola wake. (Surah al-Kahf 18:110)

Dalili ya kutegemeya (tawakul) ni kauli ya Allaah (ta'ala)

وَعَلَى اللَّهِ فَتَوَكَّلُوا إِن كُنْتُمْ مُؤْمِنِينَ ﴿٢٣﴾

Na mtegemeeni Allaah ikiwa nyinyi ni Waumini. (Surah al-Maidah 5:23)

Na kauli ya Allaah (ta'ala)

وَمَنْ يَتَوَكَّلْ عَلَى اللَّهِ فَهُوَ حَسْبُهُ ﴿٦٥﴾

Na anaye mtegemea Allaah Yeye humtosha. (Surah at-Talaaq 65:3)

Dalili ya shauku (raghbah) , kikuli (rahbah), na kunyeyekea (khusoo) ni kauli ya Allaah (ta'ala)

إِنَّهُمْ كَانُوا يُسْرِعُونَ فِي الْخَيْرَاتِ وَيَدْعُونَنَا رَغَبًا وَرَهَبًا ﴿٩٠﴾

وَكَانُوا لَنَا خَشِيعِينَ ﴿٩٠﴾

Hakika wao walikuwa wepesi wa kutenda mema, na wakituomba kwa shauku na khofu. Nao walikuwa wakitunyeyekea (Surah al-Anbiya 21:90)

Dalili ya uchaji (khashyah) ni kauli ya Allaah (ta'ala)

فَلَا تَخْشَوْهُمْ وَاخْشَوْنَ ﴿٥٣﴾

basi msiwaogope, bali niogopeni Mimi (Surah al-Maidah 5:3)

Dalili ya uregevu nakutubu (inaabah) ni kauli ya Allaah (ta'ala)

وَأَنِيبُوا إِلَىٰ رَبِّكُمْ وَأَسْلِمُوا لَهُ

Na rejeeni na kutubia kwa Mola wenu, na silimuni kwake (Surah az-Zumar 39:54)

Dalili ya kuomba msaada (isti'aanah) ni kauli ya Allaah (ta'ala)

إِيَّاكَ نَعْبُدُ وَإِيَّاكَ نَسْتَعِينُ

Wewe tu tunakuabudu, na Wewe tu tunakuomba msaada (Surah al-Fatiha 1:5)

Na kwenya hadithi inayosema “**na ukiomba msaada basi omba msaada kutoka kwa Allaah**” [imepokelewa na timidhi and kusahihishwa na Shaykh al-Albanee kwenye al-Mishkaat (no.5302)]

Dalili ya koumba kinga (isti'aadhah) ni kauli ya Allaah (ta'ala)

قُلْ أَعُوذُ بِرَبِّ الْفَلَقِ

Sema: Najikinga kwa Mola wa mapambazuko (Surah al-Falaq 113:1)

Na

قُلْ أَعُوذُ بِرَبِّ النَّاسِ

Sema: Ninajikinga kwa Mola wa wanaadamu (Surah an-Naas 114:1)

Dalili ya kuomba uokozi (istighaathah) ni kauli ya Allaah (ta'ala).

إِذْ تَسْتَغِيثُونَ رَبَّكُمْ فَاسْتَجَبَ لَكُمْ

Mlipo kuwa mkimuomba maokozi Mola wenu , naye akakujibuni . (Surah al-Anfal 8:9)

Dalili ya dhabihu (dhabh) ni kauli ya Allaah (ta'ala)

قُلْ إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ

Sema: Hakika Sala yangu, na dhabihu yangu, na uhai wangu, na kufa kwangu, ni kwa ajili ya Allaah, Mola wa viumbe vyote. (Surah al-An'aam 6: 162)

Na pia Mtume Sallallahu Alalihi Wasallam alisema : **La'na ya Allaah iko juu ya yule anaye chinja dhabihu kwa mwengine asiyekuwa Allaah** (Imepokelewa na Muslim)

Ushahidi wa nadhiri (nadhr) ni kauli ya Allaah (ta'la)

يُؤْفُونَ بِالنَّذْرِ وَيَخَافُونَ يَوْمًا كَانَ شَرُّهُ مُسْتَطِيرًا

Wanatimiza nadhiri, na wanaiogopa siku ambayo shari yake inaenea sana (Surah al-Insan 76 :7)

Kumbukumbu

(1) Kauli Ya Imam Maalik -- Imaam darul Hijrah (Madinah)

Al-istiwa ni maarufu, na vipi ilitendeka haiwezi kufahamika, kuitaqidi (kama iletendeka) ni waajib, na kuuliza (ilitendeka vipi) ni Bidaa (uzushi)

Alistiwa ni maarufu => yaani ni kitu maarufu kwenye lugha - ina maanisha kupaa.

na vipi ilitendeka haiwezi kufahamika => kwa kutumiya akili, na wala haiku shereheshwa ilitendeka vipi katika wahyi (Quran na Sunnah) - basi vipi ilitendeka haijulikani .

kuuliza (ilitendeka vipi) ni Bidaa => haijulikani (halikuulizwa hili swali) wakati wa Mtume Sallallahu Alalihi Wasallam na maswahaba wake.

Haya maneno (ya Imaam Maalik) kwa ujumla huu ni kanuni (qaida) juu ya sifa zote za Allaah. => Allaah ametuthibitishia (sifa zake) ama kupitia kwa Mtume wake. Allaah ametueleza kwamba ana sifa lakini hakutueleza sifa zake ziko vipi.

Kuzungumzia sifa za Allaah inafwatiwa na kumzungumziya Allaah mwenyewe => Kama vile tuna thibitisha kuwa Allaah yupo bila ya kuuliza yupo vipi, basi tufanya vivyo hivyo pia na sifa zake zenginezo (yaani hatulizi sifa za Allaah ziko vipi).

Sharh Aqida Hamawiyaah ya shaykh ul-Islam Ibn Taymiyyah

(2) Hii hadithi kwa usemi **Dua ni kiini ya Ibadah** iliyo pokelewa na Tirmidhi ni *dhaifu*. Amesema Shaykh Muhammad Naasirudeen al-Albanee kwenye al-Mishkat (nambari 2331) kwa ajili ya udhaifu wa mmoja wa mpokelevu kwenye Isnad (salasila) yake kwa jina Ibn Lahee'ah.

Imaam Ahmad kwenye as-Sunan yake, amepokea hadeeth **sahihi** kwa usemi: **Dua Ni Ibadaah** [Shaykh al-Albanee amesema ni sahihi kwenye Saheehul Jaami' (nambari 3407)]